



Government officials will never ask you to transfer money or disclose bank log-in details over a phone call. Call the 24/7 ScamShield Helpline at 1799 if you are unsure if something is a scam.

Home > Newspaper Catalogue > Berita Harian > 1964 > September > 10 > Page 4 > Kaum petani ingin meni'mati kemajuan Luar



Kaum petani ingin meni'mati kemajuan Luar Bandar

Berita Harian, 10 September 1964, Page 4

Share    

Save Citation

<< Previous Article Next Article >>

Kaum petani ingin

meni'mati

kemajuan

Luar

Bandar

KESAN LAWATAN M.B. SELANGOR

Oleh

SHAMSUDDIN

HAJI TAHA

SA-BAIK2 sahaja Enche' Harun bin Idris di-lantek menjadi Menteri Besar Selangor dengan dipersetujui oleh Duli Yang Maha Mulia Baginda Sultan kira2 empat bulan yang baharu lalu, beliau telah membuat beberapa kunjongan sa-chara resmi, tidak resmi, maupun sa-chara mengejut ka-seluruh daerah di-Persekutuan ini.

Pejabat daerah Kajang merupakan babak permulaan kunjongan beliau sa-chara mengejut, sa-telah menerima perkhabaran yang kurang menyenangkan terhadap ra'ayat di-tempat tersebut.

Dengan itu banyak-lah pengalaman Enche' Harun sa-lama berkunjong ka-tempat2 yang sa-lama ini hanya di-dengar sahaja. Jelas-lah sudah kesulitan pekekan ra'ayat yang serba kekurangan itu dapat disaksikan oleh beliau sendiri hinggakan beliau telah menitikkan ayer mata dengan tidak semena2, kerana menginsafi akan penderitaan ra'ayat di-sabuh Asrama anak Yatim kampung Sungai Pinang Klang.

Bantuan

Dengan serta merta Enche' Harun telah memberi bantuan derma sa-banyak tiga ribu ringgit kepada anak2 Yatim itu

untuk memperbaiki lagi akan Asrama-nya di-samping berjanji akan berusaha melanjutkan bantuan Kerajaan kepada anak2 Yatim itu.

Sa-belom sidang Dewan Negeri di-jalankan Menteri Besar itu telah merangka satu lawatan ka-Projek Rancangan Kemajuan Tanah Sungai Merab dan Sungai Tekali Kajang, dimana rancangan ini telah menempatkan sa-ramai 85 orang keluarga bagi peringkat permulaan.

Petani2 di-atas tanah rancangan ini sering membuat rayuan kesulitan ia-lah mengenai wang bantuan sara hidup, bantuan rachun pembunuh lalang dan bantuan binatang ternakan di-bawah rancangan pawah Kerajaan sementara tanaman mereka dapat mengeluarkan hasil.

Kira2 dalam penghujung bulan June waktu mana sidang Dewan Negeri Selangor di-adakan Enche' Harun telah membuat peruntukan sendiri sa-banyak \$30.000/- dalam sidang tersebut, yang mana petani2 itu akan di-beri bantuan terus menerus sa-banyak \$30/- tiap2 sa-keluarga

Daerah Sabak Bernam, ada-lah di-antara beberapa daerah lain, yang juga termasuk dalam rangka lawatan beliau sa-lama dua hari kira2 dalam pertengahan bulan Julai lepas

Ayer masin

Sa-lama dua hari Menteri Besar berada di-kawasan itu, dengan bermandikan ayer masin, ternyata jelas-lah oleh-nya bahawa Sabak Bernam ia-

lah sa-buah daerah yang jauh letak-nya. Walau pun begitu tidak dapat kita nafikan tentang pengeluaran hasil padi dan kelapa-nya yang berlipat ganda.

Sa-lama ini tiada siapa yang dapat menyangka bahawa bekalan tenaga elektrik dapat di-adakan di-Tanjong Karang. Mereka menganggap penduduk2 kawasan ini terdiri dari petani2 yang bersawah padi sahaja, tidak-lah mereka ingin berkemajuan sa-bagaimana lain2 kawasan yang sama2 menerima projek2 pembangunan luar

bandar dengan pesat-nya.

Pihak Kerajaan tidak beza membeza untok mengadakan kemajuan bagi ra'ayat, walau pun mereka bersawah, mereka ingin juga meni'mati segala kekemajuan2 itu. Kemajuan ada-lah suatu ni'mat yang mesti di-rasa dalam zaman merdeka ini oleh ra'ayat seluroh-nya.

Kawasan Tanjong Karang ini-lah yang menjadi urat ekonomi negeri Selangor khusus-nya di-mana hampir 150,000 gantang hasil padi di-keluarkannya tiap2 tahun dengan menampong lebih 20,000 ekar tanah sawah.

Enche' Harun ketika beruchap merasmikan pembukaan pertunjokkan Padi dan Tanam2an di-Sabak Bernam baru2 ini telah

menyatakan keyakinannya bahawa Negeri Selangor akan menjadi sa-buah negeri yang terbesar dalam Malaysia sa-kiranya petani2 menyambut baik ranchangan Kerajaan menanam padi dua kali sa-tahun.

Kira2 dalam tahun 1945 membawa kapada tahun 1957 sa-jauh hampir 40 batu dari pekan Tanjong Karang ka-pekan Sabak Bernam hanya dapat di-lalui dengan kenderaan basikal sahaja.

Di-landa

Hari ini perhubungan serupa itu sudah larut, kerana jalan2 lumpur sudah di-landa dengan batu2 berminyak tar. Hanya kira2 dua batu sahaja lagi yang sentiasa berdebu ketika hari panas.

Daerah Kechil Sepang yang di-tadbirkan oleh Kuala Langat ada-lah daerah yang terkemudian sekali dalam rangka lawatan Menteri Besar. Tetapi ketika renchana ini di-tulis belum lagi terdengar beliau hendak melawat ka-tempat tersebut, walau bagaimana pun Enche' Harun tidak juga melupakan untuk menemui ra'ayat daerah itu.

Daerah Kuala Langat merupakan ibu kandong kapada daerah kechil Sepang, tidak juga ketinggalan dengan kemajuan pembangunan luar bandar-nya saperti lain2 daerah dalam negeri Selangor ini.

Siapa-kah yang tidak kenal kapada daerah ini de-

ngan hasil kopi yang tinggi mutu-nya. Getah kelapa menjadi hasil utama ekonomi bagi penduduk2 daerah ini. Pantai Morib sebuah tempat peranginan yang sangat di-kenal diseluruh Tanah Melayu, dudok-nya dalam daerah Kuala Langat ini juga

Saya rasa penduduk2 di-

sini patut menguchapkan sa-tinggi2 terima kaseh kapada Kerajaan yang telah menjalankan tugas menchurahkan usaha semata2 untok kesenangan ra'ayat seluroh-nya

Bahagian Kawasan Morib mengandongi lebih 25,000 orang penduduk yang telah memilih Enche' Harun menyandang Jawatan Menteri Besar.

Mungkin beliau akan menjadikan kawasan ini sebagai "ANAK KANDONG" a t a u "ANAK EMAS" dalam melaksanakan segala ranchangan2 kemajuan luar bandar. "Tetapi lain2 kawasan tidak pula di-anak tirikan" tegas Menteri Besar sedikit masa dahulu.

Lawatan

Pada 17 dan 18 Ogos yang baharu lalu beliau telah membuat lawatan sa-chara rasmi ka-daerah ini. Ini ada-lah merupakan lawatan bagi kali kedua-nya sa-chara resmi sa-lain dari lawatan yang di-buat-nya, sa-chara sa-paroh resmi dan mengejut.

Projek2 yang di-lawat oleh Menteri Besar itu berharga hampir 16 juta ring-

git. Projek2 itu sudah dan sedang berjalan. Dalam rangka lawatan yang pertama beliau di-bawa menyaksikan projek memperbesarkan "KOLAM AYER" di-Bukit Tampoi yang menelan belanja 5 juta ringgit. Kolam Ayer ini di-buat untok membekalkan sabblangan besar penduduk2 Kuala Langat mengandongi hampir 80,000 orang.

Beliau selanjut-nya telah melawat projek mendalamkan Sungai Langat yang

menelan belanja 10 juta ringgit dan projek membaiki Kunchi Ayer di Kampong Si-jangkang berharga \$100,000.

Terbengkalai

Projek Kunchi Ayer yang terbengkalai itu telah direnchanakan oleh Enche' Abdul Aziz bin Ishak, Bekas Menteri Pertanian dan Sharikat Kerjasama dalam penghujong tahun 1961 menelan belanja \$100,000. Kunchi Ayer ini telah musnah sama sekali dilanda oleh ayer masin sabai2 sahaja siap pembedaan-nya enam bulan kemudian, kira2 dalam pertengahan tahun 1962.

A k i b a t kemusnahan Kunchi Ayer itu, maka ayer masin telah mengancham lebeh 500 ekar tanah yang menyubor dengan kopi dan kelapa-nya. Salama ini petani2 kampung tersebut hanya bergantung kepada hasil dalam kawasan itu sahaja.

Penduduk2 Kampong Si-

jangkang hari ini, mengakui akan mengerjakan tanah2 kepunyaan mereka dalam kawasan anchaman ayer masin itu. Mereka akan mengerjakan dengan sa-benapa segara-nya, sabai2 sahaja ranchangan membaiki Kunchi ayer itu akan siap tldak berapa lama lagi.

Tuan Haji Yusoff bin Fakeh, Ketua kampung ini, yang turut sama2 mengikuti lawatan Menteri Besar itu, telah memberikan jaminan "Bahawa penduduk2 kampung Sijangkang sentiasa memberikan kerjasama kepada Kerajaan dalam melaksanakan ranchangan Pembangunan

Benteng sa-panjang empat batu yang di-bena kira2 dalam tahun 1960, ada-lah merupakan suatu Benteng mempertahankan musuh ayer masen dari memerangi tanaman2 kopi yang tinggi mutu-nya di-kampung mereka.

Menteri Besar itu mengingatkan kepada pendu-
dok2 Bukit Changgang ke-
tika beliau beruchap me-
rasmikan surau di-situ
"supaya menggunakan
surau yang telah di-bena
untuk soal peribadatan
kapada Tuhan dan per-
kara2 yang bersangkutan
dengan ugama"

Kerumitan

"Jika sa-kira-nya ada
beberapa kerumitan di-sini
gunakan-lah juga surau ini
untuk tempat bermeshua-
rat, dan saterus-nya un-
tok mendapatkan penyele-
saan yang memberikan
faedah di-antara mereka".

Beliau juga telah memu-
ji2 perpaduan Kaum2
China dengan orang2 Me-
layu di-kampung Bandar
ketika beliau beruchap
merasmikan surau di-sini.

Beberapa hadiah untuk
surau itu telah di-hadiah-
kan oleh Kaum2 China,
malahan mereka menge-
luarkan wang bagi jamuan
nasi yang di-hidangkan
pada hari perasmian itu.

Enche' Harun memberi-
kan nasehat juga kepada
penduduk2 kampung Batu
Laut, ketika beruchap me-
rasmikan Balai Raya di-
kampung itu, supaya "ja-
ngan menimbulkan sa-
barang kekachauan di-
antara kaum sedang ne-
gara kita menghadapi kea-

daan yang membahayakan hari ini".


"Kita hendak-lah berwasapada, bertenang, saling mengerti, perpaduan muhibbah di-antara satu sama lain. Kerajaan sangat2 mengharapkan kepada ra'ayat-nya hari ini" tambah beliau.

Kekachauan

"Sa-kira-nya berlaku sa-barang kekachuan dalam negeri ini, bukan sahaja ia akan menggendalakan Kerajaan menjalankan pertadbiran negeri ini, tetapi juga akan menghalang Kerajaan melaksana ka n ranchangan lima tahun pembangunan luar bandar untuk meninggikan taraf perekonomian penduduk?" tegas Enche' Harun.

Mengenai pendaratan orang2 Indonesia, Enche' Harun berkata, "Kerjasama serta keyakinan Ra'ayat kepada pemerintah negeri ini amat-lah besar faedah-nya, kerana jasa2 mereka ini sangat2 di-hargai".

Sa-panjang masa lawatan beliau ka-daerah Kuala Langat ini sa-lama dua hari itu, beliau di-iringi oleh Wakil2 Raayat Pegawai Daerah, Pegawai Kemajuan Negeri, Jurutera Jabatan Kerja Raya serta Jawatan Kuasa Pembangunan Luar Bandar dan Penghulu2 juga Ketua2 Kampong.





INI-LAH gambar Kunchi Ayer di-kampong Stjangkang yang telah musnah di-landa oleh ayer masen dalam pertengahan tahun 1962. Kawasan ini sekarang merupakan sa-buah tasek yang indah sa-luas kira2 10 ekar. Akibat kemusnahan Kunchi Ayer ini lebeh dari 500 ekar tanah di-ancham oleh ayer masin sa-tiap masa. Sekarang Kunchi Ayer ini sedang di-baiki dan di-jangka akan siap tidak lama lagi.

NLB

[Contact Us](#) [Feedback](#) [FAQ](#)



[Report Vulnerability](#) [Terms of Use](#) [Linking Disclaimer](#) [Privacy Statement](#)
[Takedown Policy](#)

©2025 Government of Singapore
Last Updated 2023-01-31